

ARABAKO EMAITZAK AZTERGAI

Arabako herri batzuen emaitzak

Felix Iriarte | GASTEIZ

EAJ-EAk irabazi du popularrekin zuen lehia. Lehia hori 1999ko Udal hauteskundeetan hasi zen. Orduan Ramon Rabanera aurrea hartu zion EAJ-EA koalizioari eta Foru Aldundian gobernatzeko giltza hartu zuen. Gauza bera gertatu zen Gasteizen eta Alfonso Alonso popularra alkate izendatu zuten.

Hortik aurrera gora egin zuen PPK, eta 2.000. urteko Kongresurako hauteskundeetan 60.000 boto pilatu zituen, Gasteizen lortutakoei esker batez ere. Kanpainaren atarian Rabanera esan zuen emaitza horiek errepikatzea espero zuela, horrela abertzaleei behin betiko atek ixteko.

Emaitza errepikatu duen arren, ateak abertzaleei ireki zaizkie. PPK baino 2.000 boto gehiago lortu du EAJ-EA koalizioak, nahiz eta PPren zerrendan UAko kideak zeuden.

Garaipena lurraldeak eman dio koalizio abertzaleari. Izan ere, Gasteizen erabateko nagusitasuna erakutsi du alderdi popularrak, eta EAJ-EAk baino ia hamar mila boto gehiago pilatu ditu. PPK 50.248 boto izan ditu, eta EAJ-EA koalizioak 41.462.

UAren botoak garrantzia izan dute kasu honetan. PPK uste zuen Pablo Mosqueraren laguntzarekin lehen postua ziurtatuta izango zuela, aurreko hauteskundeetan bakarrik joanda EAJ-EAk baino gehiago lortu zuelako.

Koalizioek, hala ere, ez dute beti espero den emaitza ematen. Abertzaleek badakite hori, 1999ko Udal hauteskundeetan frogatu zutelako; orain PPri suertatu zaio gauza bera, UAko boto asko bidean geratu direla alegia.

PSE-EEK probetxua atara dio

UAren galera aurreikusi zuten buruzagi sozialistek. Horregatik, abertzaletasunaren aurkako kanpainan arabarrak gogorrenak izan dira sozialisten artean, diskurtso horrekin UArenak izan diren eta PPri botoa eman nahi ez dioten laguntza lortuko zutelakoan. Izan ere, UA PPren zatiketa izan zen, eta horrek sendaezinak izaten diren zauriak uzten ditu maiz.

Asmatu egin zuen alderdi sozialistak. Gipuzkoan eta Bizkaian baino gehiago hazi da Araban, eta PPK ezin izan du uste zuena lortu.

IUK, bestalde, emaitza ona izan du, eta lagungarri izan du EHk hainbeste galtzea. EHk galdu dituen botoak gehienbat EAJ-EAra joan dira, baina Madrazoren alderdiak ere batzuk eraman ditu poltsikora, eta parlamentarioa galtzeko arriskurik ez du izan.

Artziniega	Biasteri	Eltziego	Iruña Oka	Laudio
1998 2001	1998 2001	1998 2001	1998 2001	1998 2001
EAJ-EA 410 525	EAJ-EA 296 366	EAJ-EA 129 169	EAJ-EA 178 316	EAJ-EA 4.951 6.174
PP 221 235	PP 461 507	PP 229 274	PP 411 442	PP 2.355 2.821
PSE-EE 73 88	PSE-EE 83 85	PSE-EE 186 204	PSE-EE 261 352	PSE-EE 1.903 2.159
EH 132 73	EH 66 28	EH 23 17	EH 75 48	EH 2.432 1.458
IU-EB 35 39	IU-EB 11 21	IU-EB 19 23	IU-EB 44 60	IU-EB 471 541

Aramaio	Legutio
1998 2001	1998 2001
EAJ-EA 558 781	EAJ-EA 392 508
PP 27 31	PP 108 106
PSE-EE 17 19	PSE-EE 57 88
EH 322 201	EH 180 158
IU-EB 13 33	IU-EB 25 48

Amurrio	Oion
1998 2001	1998 2001
EAJ-EA 2.923 3.790	EAJ-EA 323 400
PP 1.147 1.232	PP 554 624
PSE-EE 744 869	PSE-EE 229 308
EH 983 607	EH 119 88
IU-EB 226 235	IU-EB 81 68

Agurain	Zaia
1998 2001	1998 2001
EAJ-EA 834 1.250	EAJ-EA 471 655
PP 394 419	PP 246 291
PSE-EE 363 396	PSE-EE 55 102
EH 403 283	EH 180 109
IU-EB 85 98	IU-EB 30 52



Arabako emaitzak urtez urte

	2001	1998	%	Aldea 1998-01	2000	%	Aldea 2000-01
EAJ-EA	64.519	47.641	↑ +35	+16.878	43.140	↑ +49,55	+21.379
PP	62.351	59.775	↑ +4,3	+2.576	66.267	↓ -5,90	-3.916
PSE-EE	39.324	28.670	↑ +37	+10.654	41.182	↓ -4,51	-1.858
EH	11.793	20.567	↓ -42	-8.774	-	-	-
EB-IU	11.361	9.606	↑ +18	+1.755	9.509	↑ +19,47	+1.852

J. APEZTEGIA

Probintziari esker hartu dio aurrea EAJ-EAk PPri

Gasteizen oraindik gehiago dira Jaime Mayor Orejaren aldekoak


GASTEIZ

PP nagusi

Popularren gotorlekua izaten segitzen du Gasteizek. Eta Gasteiz esatea lurralde gehiena esatea da, kasu honetan emaitza erabaki ez duen arren. PPKoak Arabaren erdua beste lurraldeetara eraman nahi zuten, baina Gasteizekin bakarrik geratu dira. Hemendik aurrera Gasteiz ereduaz hitz egin beharko dute.

Espainolisten gehiengoa erabatekoa da. PPK eta PSE-EEK 83.000 boto lortu zituzten, EAJ-EAk 41.462 besterik ez. EAE osoan koalizioak PPK eta PSE-EEK baino boto gehiago lortu du. Alde handia dago Gasteizen Mayor Orejaren eta Redondoren alde.

Popularrak, hala ere, ez dira oso pozik izango. Zenbaketak eginda, apenas iristen diren UArenak eta PPrenak bakoi-



tza bere aldetik zituztenak batuta ematen duten kopurura. Javier Rojok, bestalde, esan dezake emaitza ona lortu duela. EAJ-EAren atzetik geratu bada ere, zenbaki onak lortu ditu, UArenak ziren boto asko erdietsi baititu abertzaletasunaren aurkako diskurtso gogorrarekin. 1998ko hauteskundeekin alderatuta,

PSE-EEK ia 10.000 boto gehiago izan ditu, boto guztien heren bat.

EHren galerak, leku guztietan bezala, marka guztiak hautsi ditu. 13.655 boto izan zituen 1998ko EAeko hauteskundeetan, eta 7.363 botorekin geratu da. Majo eskertu dute EAJk eta Eak ezkerraren oparia.

AGURAIN. Abertzaleek irabazi dute, ohikoa denez. Herri gehienetan gertatu dena gertatu da han ere: EHk behera eta beste guztiek gora. Hala ere, ezker abertzalearen jaitsiera ez da beste leku batzuetan bezain gogorra, 120 boto galdu baititu (403-283)

ARAMAIO. Abertzaleen gotorlekua da Aramaio, eta egoera ez da aldatu. PPK eta PSE-EE, betidanik, emaitza oso kaskarrak lortzen duten herria da, eta oraingoan ere hala izan da. Boto apur batzuk gehiago lortu dituzte, baina kopuru osoan garrantzirik gabekoak.

ARTZINIEGA. Abstentzioa oso txikia izan zen, eta, agian, hori da daturik azpimarragarriena. Hori EAJ-EAk aprobetxatu zuten botoetan aurrera egiteko, PPK eta PSE-EEK apenas boto batzuk gehiago lortu baitzuten

ELTZIEGO. Sozialisten gotorlekua izan da Errioxako herri hau. Alkatea sozialista da, baina kasu honetan PPK irabazi du, gutxi-gatik hala ere. EAJ-EAk aurrera egin du, baina herriko hirugarren alderdia da oraindik.

IRUÑA OKA. 1998ko hauteskundeetan PPK aurrea hartu zuen, eta orain lidergoari eutsi dio. Eltziegoren bezala, alkate sozialista dute, baina beste hauteskundeetan PPK irabazten du. Hala ere, botoetan aurrerakada nabarmena egin du EAJ-EA koalizioak.

LAUDIO. Mila boto galdu ditu EHk (2.432-1.458). PSE-EEK eta PPK aurrea hartu diote, eta herriko laugarren alderdia bilakatu da, Pablo Gorostiagak agintzen badu ere. Guztion aurretik, jakina, EAJ-EA koalizioa, zeinek PPK eta PSEk bilduta baino boto gehiago izan dituen. EAeko emaitzen neurrira, alegia.

OION. Logroñotik oso gertu dago, eta ematen du hara begira daudela. Abstentzioak marka guztiak hautsi zituen: %27,22. Hala ere, gutxi 1998ko hauteskundeekin alderatuta, orduan %34, 03 etxean geratu baitziren. Irabazlea, PP, alde handiarekin gainera.

BIASTERI. PPK gora eta gora egiten duen herria izanik, atzo ez zen salbuespena izan. PSE zegoenean zen. Hala ere, abertzaleak gertu sumatuko dituzte popularrek: PPK 507 boto eta EAJ-EAk 366. Inoiz baino gertuago.

ZUIA. Abertzaleek agintzen dute, eta EAJ-EA koalizioa nabarmendu da gehien gorako bidean. EHk zuenaren ia erdia galdu zuen.